

Despues di 4 luna 12 hoben a haya nan prome certificado di Formacion Social y lo sigui awor e di 2 fase cu lo dura 8 luna

12 hoben cu a sinti nan mes hopi orguyoso awe pa cu e motibo cu nan a haya nan prome certificado di Formacion Social. Despues di ehercicionan intensivo e prome grupo a caba e prome fase di For-

macion Social. E no tawata facil pero cu hopi disciplina y perseverancia nan a logra e prome meta. Awe den presencia di mayornan, famia, casanan, yunanan, minister president Mike Eman,

parlamentarionan C.Velasquez, L. Westerhof, M. Lopez-Tromp y L. Jansen-Varlack e hobennan aki a ricibi nan certificado y nan baret. E hobennan aki a ricibi elogio di nan entrenadornan y e hoben

Werleman a wordo scogi como e "Best Man" di e grupo. Un hoben por cierto hopi ehemplar y cu a demostra un actitud positivo y obediente durante e 4 luna di training. Entre e 12 hoben tawata

tin un hoben cu por cierto a sigui aspirant-opleiding den pasado. Mi ta orguyoso cu e persona aki tambe a haya e oportunidad pa sigui e training di Formacion Social. Un topico cu a bin dilanti durante e celebracion tawata e habrimento di e posibilidad pa mucha muhe hoben tambe sigui e training aki. Den combersacion cu min. pres Mike Eman, e General di MSK y mi persona a wordo palabra cu lo traha riba e aspecto aki. Segun min. Mike Eman ta algun cambio mester wordo haci den e Ley. E disponibilidad di MSK tey, ta e Ley mester wordo adapta y aproba pa nan sigui traha. Unabes cu e Ley keda cla mi ta sigur cu e 21 Parlamentarionan lo duna nan aprobacion mescos cu nan a haci aña pasa. Durante e di dos fase lo cuminsa prepara e hobennan pa cu un ofishi unda mañan nan tin un oportunidad mas amplio pa haya un trabou. Pabien na e 12 hobennan y nan famia pa e logro aki. Pabien na Gabinete Mike Eman I cu a brinda nos hobennan e oportunidad unico aki y pabien na tur e militarnan cu a haya e pin cu un cinta di e colornan di bandera di Aruba. And this is just the beginning.